



প্রায়শ জিজ্ঞাসা করা প্রশ্নাবলী

মা-বাবা ও অভিভাবকদের জন্য সংস্থান



শীর্ষ 5 টি জিনিস আপনার জানা উচিত

1. NYC সরকারী স্কুলে (অংশগ্রহণকারী চার্টার স্কুল সহ) ভর্তি সমস্ত কিন্ডারগার্টেন, প্রথম শ্রেণী বা দ্বিতীয় শ্রেণীর শিক্ষার্থী সেভ ফর কলেজ প্রোগ্রাম (Save for College Program)-এ অংশগ্রহণ করার জন্য যোগ্য, তাদের পরিবারের আয় বা অভিভাবসনের অবস্থা যাই হোক না কেন।
2. আপনার সন্তান যদি যোগ্য হয়, তাহলে সে এই প্রোগ্রামে **আপনা থেকেই নথিভুক্ত হবে** যদি না আপনি অংশগ্রহণ না করা বেছে নেন এবং অপ্ট-আউট করেন।
3. একবার নথিভুক্ত হয়ে গেলে, আপনার সন্তানের বিনামূল্যে NYC স্কলারশিপ অ্যাকাউন্ট (NYC Scholarship Account) কীভাবে সক্রিয় করতে হয় সেই তথ্য সহ আপনি একটি ওয়েলকাম কিট পাবেন, যেটিতে NYC Kids RISE দ্বারা আপনার সন্তানের তরফে একটি প্রাথমিক \$100 বরাদ্দ থাকবে।
4. আপনার সন্তানের NYC স্কলারশিপ অ্যাকাউন্ট সক্রিয় হয়ে যাওয়ার পরে, আপনি অতিরিক্ত পুরস্কার অর্জনের জন্য বিল্ডিং ব্লকস নামে পরিচিত অন্যান্য বুনিয়েদী ধাপগুলি সম্পূর্ণ করতে পারেন।
5. কলেজ বা কেরিয়ার প্রশিক্ষণের বিভিন্ন ধরণের খরচের জন্য NYC স্কলারশিপ অ্যাকাউন্ট-এর অর্থ ব্যবহার করা যেতে পারে।

1. NYC Kids RISE সেভ ফর কলেজ প্রোগ্রাম কী?

NYC Kids RISE সেভ ফর কলেজ প্রোগ্রাম হল একটি স্কলারশিপ ও সেভিংস প্রোগ্রাম যা NYC সরকারী স্কুলের সমস্ত শিক্ষার্থীর কাছে কলেজ ও কর্মজীবনের প্রশিক্ষণকে আরও সহজলভ্য করে তোলার জন্য তৈরি করা হয়েছে, তাদের পরিবারের আয় বা অভিবাসনের অবস্থা যাই হোক না কেন।

কিন্ডারগার্টেন থেকে শুরু করে, কোনও NYC সরকারী স্কুলে (অংশগ্রহণকারী চার্টার স্কুলগুলি সহ) ভর্তি হওয়া প্রতিটি শিক্ষার্থী সেভ ফর কলেজ প্রোগ্রাম-এর মাধ্যমে, আপনাকে থেকেই তার তরফ থেকে প্রাথমিক \$100 বরাদ্দ সহ একটি NYC স্কলারশিপ অ্যাকাউন্ট (NYC Scholarship Account) পায়, যদি না তাদের পিতামাতা বা অভিভাবকরা প্রোগ্রামটি থেকে "অপ্ট আউট" করেন। পরিবারগুলি অতিরিক্ত স্কলারশিপ পুরস্কার অর্জন করতে পারে যা এই অ্যাকাউন্টে বরাদ্দ করা হবে। কমিউনিটিগুলিও প্রতিটি শিশুর সাফল্যের জন্য তাদের কমিউনিটির সমর্থন প্রদর্শন করতে NYC স্কলারশিপ অ্যাকাউন্টগুলির গ্রুপগুলিতে অতিরিক্ত অর্থ প্রদান করতে পারে।

NYC স্কলারশিপ অ্যাকাউন্টে বরাদ্দ করা তহবিলগুলি New York's 529 College Savings Program *Direct Plan*-এর একটি অ্যাকাউন্টে বিনিয়োগ করা হয় যা অংশগ্রহণকারী শিক্ষার্থীদের তরফে একটি লাভের উদ্দেশ্যহীন সংস্থা, NYC Kids RISE-এর মালিকানাধীন এবং পরিচালনাধীন। পিতামাতা এবং অভিভাবকরা NYC স্কলারশিপ অ্যাকাউন্ট-এ অর্থ জমা দিতে বা তুলতে পারবেন না, যা শুধুমাত্র যোগ্য উচ্চতর শিক্ষার খরচের জন্য অংশগ্রহণকারী শিক্ষার্থীর দ্বারা ব্যবহার করা যেতে পারে। কর্মসূচিতে থাকা একজন শিক্ষার্থী কিন্ডারগার্টেন শেষ করার 20 বছরের মধ্যে যদি তার NYC স্কলারশিপ অ্যাকাউন্টের তহবিল দাবি না করে, তাহলে সেই তহবিলগুলি NYC Kids RISE-এ ফেরৎ যাবে যাতে ভবিষ্যতে সেভ ফর কলেজ প্রোগ্রামের শিক্ষার্থীদের সহায়তা করা যায়।

তবে, একজন অংশগ্রহণকারী শিক্ষার্থীর পিতামাতা বা অভিভাবক হিসাবে, আপনি প্রোগ্রামটির মাধ্যমে আপনার সন্তানের সুবিধার জন্য আপনার মালিকানাধীন একটি কলেজ এবং কেরিয়ার সেভিংস অ্যাকাউন্ট খুলতে এবং/বা সংযুক্ত করতে পারেন। তারপর, আপনি এমন উপায়ে এবং পরিমাণে সঞ্চয় করা শুরু করতে পারেন যা আপনার পরিবারের আর্থিক পরিস্থিতির জন্য অর্থপূর্ণ।

সামগ্রিকভাবে, সেভ ফর কলেজ প্রোগ্রামটি পিতামাতা ও অভিভাবক, পরিবারের সদস্য, বন্ধু, স্কুল, কমিউনিটি, ব্যবসা এবং সরকারকে সম্পদ তৈরি করতে এবং প্রতিটি শিশুর শিক্ষাগত ও অর্থনৈতিক সাফল্যের প্রত্যাশা পূরণে সহায়তা করার জন্য একসঙ্গে কাজ করতে সক্ষম করে।

2. সেভ ফর কলেজ প্রোগ্রাম-এ অংশ নেওয়ার জন্য কারা যোগ্য?

স্কুল বছর 2023-2024 পর্যন্ত, NYC সরকারী স্কুলে (অংশগ্রহণকারী চার্টার স্কুলগুলি সহ) ভর্তি হওয়া কিন্ডারগার্টেন, প্রথম শ্রেণী ও দ্বিতীয় শ্রেণীর প্রতিটি শিক্ষার্থী অংশগ্রহণ করতে পারে - তাদের পরিবারের আয় বা অভিবাসনের স্থিতি যাই হোক না কেন।

ভৌগোলিক ডিস্ট্রিক্ট 30-এর 39 টি পাইলট স্কুলের কিন্ডারগার্টেন থেকে পঞ্চম শ্রেণী পর্যন্ত প্রতিটি শিক্ষার্থী অংশগ্রহণের জন্য যোগ্য।

যোগ্য শিক্ষার্থীদের সেভ ফর কলেজ প্রোগ্রাম-এ নথিভুক্ত হওয়ার জন্য অবশ্যই একটি অংশগ্রহণকারী স্কুলে অন্তত 60 দিন উপস্থিত থাকতে হবে।

3. আমি কীভাবে অংশগ্রহণ করব?

যদি আপনার সন্তান যোগ্য হয়, তাহলে সেভ ফর কলেজ প্রোগ্রাম-এর সঙ্গে যুক্ত হওয়া সহজ! কীভাবে তা এখানে দেওয়া হল:

- আপনি যখন আপনার সন্তানের স্কুলের কাছ থেকে নোটিশ পান যে অপ্ট-আউট প্রক্রিয়া শুরু হয়েছে (আপনি সেই সময়ে অপ্ট-আউট প্রক্রিয়া সম্পর্কে তথ্য পাবেন) তখন **কোনও পদক্ষেপ নেবেন না**।
- অপ্ট-আউট প্রক্রিয়া সমাপ্ত হওয়ার পরে, আপনার সন্তান আপনাকে থেকেই সেভ ফর কলেজ প্রোগ্রাম-এ নথিভুক্ত হয়ে যাবে এবং NYC Kids RISE একটি NYC স্কলারশিপ অ্যাকাউন্ট (NYC Scholarship Account) তৈরি করবে এবং আপনার সন্তানের পক্ষ থেকে প্রাথমিক \$100 বরাদ্দ করবে।
- আপনি NYC Kids RISE-এর কাছ থেকে অতিরিক্ত তথ্য ও নির্দেশাবলী সমেত একটি **ওয়েলকাম কিট** পাবেন। যদি আপনি শরৎকালে অপ্ট আউট না করে থাকেন তাহলে নতুন বছরে আপনার সন্তানের অ্যাকাউন্ট সক্রিয় করতে পারবেন বলে আশা করতে পারেন। (যদি আপনি পরবর্তী একটি তারিখে নথিভুক্ত করেন তাহলে আপনি কখন আপনার সন্তানের অ্যাকাউন্ট সক্রিয় করতে পারবেন তার সময়সীমা পরিবর্তিত হতে পারে।)
- আপনি আপনার ওয়েলকাম কিট পাওয়ার পরে, আপনার সন্তানের NYC স্কলারশিপ অ্যাকাউন্ট **সক্রিয়** করতে এবং সময়ের সাথে এর ওপরে নজর রাখতে, অনলাইন প্ল্যাটফর্ম সেভিংস ট্র্যাকার (Savings Tracker) (একটি অনলাইন পোর্টাল যেখানে মা-বাবা/অভিভাবকরা তাদের সন্তানের NYC স্কলারশিপ অ্যাকাউন্ট দেখতে পারেন)-এ নিবন্ধন করুন। প্রোগ্রামটিতে কীভাবে অন্যান্য মৌলিক পদক্ষেপগুলি নিতে হবে সে সম্পর্কেও আপনি তথ্য পাবেন।

4. সেভ ফর কলেজ প্রোগ্রাম-এর "স্কলারশিপ" অংশটি কীভাবে কাজ করে?

আপনার সন্তান প্রোগ্রামটিতে নথিভুক্ত হলে, NYC Kids RISE একটি NYC স্কলারশিপ অ্যাকাউন্ট (NYC Scholarship Account) তৈরি করবে এবং আপনার সন্তানের শিক্ষাগত ভবিষ্যতের জন্য স্বয়ংক্রিয়ভাবে \$100 বরাদ্দ করবে। সময়ের সাথে সাথে, NYC Kids RISE আপনার পরিবারকে আপনার সন্তানের NYC স্কলারশিপ অ্যাকাউন্টের জন্য আরও অর্থ উপার্জনের সুযোগ দেবে। আপনার সন্তানকে তার কলেজ ও কর্মজীবনের লক্ষ্যে পৌঁছাতে সাহায্য করার জন্য জনসমাজের সংস্থা, ব্যবসায়িক প্রতিষ্ঠান, প্রতিবেশী এবং অন্যরাও স্কলারশিপ অ্যাকাউন্টে অর্থ যোগ করতে পারে।

একটি লাভের উদ্দেশ্যহীন সংস্থা NYC Kids RISE, অংশগ্রহণকারী শিক্ষার্থীদের তরফে স্কলারশিপ তহবিলগুলির মালিক এবং এগুলিকে পরিচালনা করে, এবং NY 529 Direct Plan-এ তহবিলগুলি বিনিয়োগ করে, যা উচ্চ শিক্ষার জন্য সঞ্চয় করতে সাহায্য করার জন্য বিশেষভাবে পরিকল্পিত এক ধরনের বিনিয়োগ অ্যাকাউন্ট। আর্থিক বাজার এবং বিনিয়োগের কার্যকারিতার উপর নির্ভর করে NYC স্কলারশিপ অ্যাকাউন্টগুলি সময়ের সাথে সাথে অর্থ লাভ করতে বা হারাতে পারে।

আপনি যদি একটি যোগ্য সন্তানের পিতামাতা বা অভিভাবক হন, তাহলে যতক্ষণ না আপনি এই প্রোগ্রাম থেকে অপ্ট-আউট করেন, ততক্ষণ পর্যন্ত NYC Kids RISE আপনার সন্তানের তরফে এই NYC স্কলারশিপ অ্যাকাউন্ট তৈরি করবে এবং অর্থায়ন করবে। আপনার সন্তানের NYC স্কলারশিপ অ্যাকাউন্ট তৈরি হয়ে গেলে আপনি NYC Kids RISE থেকে একটি ওয়েলকাম কিট পাবেন। আপনার সন্তানের NYC স্কলারশিপ অ্যাকাউন্টে বরাদ্দ করা স্কলারশিপ তহবিল সময়ের সাথে সাথে সক্রিয় করা এবং দেখার জন্য:

- আপনাকে অর্থ জমা দিতে হবে না
- আপনাকে আপনার সামাজিক সুরক্ষা নম্বর (Social Security Number, SSN) বা ব্যক্তিগত করদাতা সনাক্তকরণ নম্বর (Individual Taxpayer Identification Number, ITIN), ব্যাংক অ্যাকাউন্ট বা ক্রেডিট কার্ডের তথ্য প্রদান করতে হবে না

- আপনার অর্থনৈতিক বা অভিভাসনের স্থিতির তথ্য আপনার প্রদান করার প্রয়োজন হবে না
- অংশগ্রহণ করার জন্য সর্বাধিক বা সর্বনিম্ন উপার্জনের প্রয়োজন নেই

5. সেভ ফর কলেজ প্রোগ্রাম-এর "সঞ্চয়" অংশটি কীভাবে কাজ করে?

আপনার সন্তান তার NYC স্কলারশিপ অ্যাকাউন্ট (NYC Scholarship Account) পাওয়ার পর, আপনার ও আপনার পরিবারের জন্য সঠিক কলেজ ও কর্মজীবনের সঞ্চয়ের পরিকল্পনা কীভাবে তৈরি করতে হয় সে সম্পর্কে আপনি আরও তথ্য পাবেন। আপনার সন্তানের NYC স্কলারশিপ অ্যাকাউন্ট-এর জন্য বিনিয়োগ করা অর্থের উপর ভিত্তি করে গড়ে তোলার জন্য, আপনি প্রোগ্রামটির মাধ্যমে আপনার সন্তানের সুবিধার জন্য আপনার মালিকানাধীন একটি কলেজ এবং কেয়ারিং সেভিংস অ্যাকাউন্ট খুলতে ও/বা সংযুক্ত করতে পারেন। যদি আপনার সন্তানের কোনও প্রতিবন্ধকতা থাকে, তাহলে আপনার যতক্ষণ পর্যন্ত অংশগ্রহণকারী শিক্ষার্থীটি এই ধরনের অ্যাকাউন্টের জন্য যোগ্য হবে, ততক্ষণ আপনি NY ABLE সেভিংস প্রোগ্রামে একটি অ্যাকাউন্ট খোলা এবং / অথবা সংযুক্ত করাও বেছে নিতে পারেন।¹

NYC Kids RISE-এর মালিকানাধীন এবং পরিচালনাধীন NYC স্কলারশিপ অ্যাকাউন্ট-এর থেকে ভিন্নভাবে, আপনার পরিবারই হল আপনার সংযুক্ত অ্যাকাউন্টের মালিক। আপনি, আপনার আত্মীয় এবং আপনার বন্ধুরা সরাসরি এই অ্যাকাউন্টে অর্থ রাখতে পারেন। আপনি কী ধরনের সেভিংস অ্যাকাউন্ট বেছে নেন তার উপর নির্ভর করে, আপনার পরিবার NYC Kids RISE সেভিংস ট্র্যাকার মাধ্যমে অনলাইনে আপনার সন্তানের NYC স্কলারশিপ অ্যাকাউন্ট-এর পাশাপাশি আপনার নিজের সেভিংস ব্যালেন্সের ওপরেও নজর রাখতে পারে।

nykidsrise.org/options-এ গিয়ে, একটি NYC Kids RISE ভার্চুয়াল ওয়ার্কশপে অংশ নিয়ে, 833-KID-RISE (833-543-7473) এ আমাদের হটলাইনে কল করে, info@nykidsrise.org-এ আমাদের ইমেল করে, NYC Kids RISE-এর একজন প্রতিনিধির সাথে কথা বলার জন্য একটি

¹ The Stephen Beck, Jr. Achieving a Better Life Experience (ABLE) Act of 2014 এর মাধ্যমে অনুমোদিত, ABLE অ্যাকাউন্ট হল ট্যাক্স সুবিধায়ুক্ত সঞ্চয়ের মাধ্যম যা প্রতিবন্ধী ব্যক্তিদের প্রতিবন্ধকতা সম্পর্কিত খরচের জন্য সঞ্চয় করতে দেয়, সম্পূর্ণক নিরাপত্তা আয় (Supplemental Security Income, SSI) এবং Medicaid-এর মতো সহায়তা প্রোগ্রামগুলি থেকে তাদের সুবিধাগুলি হারানোর ঝুঁকি ছাড়াই, কিছু সীমাবদ্ধতা প্রযোজ্য।

NYC স্কলারশিপ অ্যাকাউন্টের আয়গুলি NY ABLE প্রোগ্রামের একটি অ্যাকাউন্টের পরিবর্তে New York's 529 College Savings Program-এর একটি 529 অ্যাকাউন্টে রাখা হয়। অতএব, বিতরণের পরে, এই ধরনের অ্যাকাউন্টের আয়কে NY ABLE অ্যাকাউন্টের মালিকের প্রাপ্ত যে কোনও প্রয়োজন-ভিত্তিক সুবিধার প্রসঙ্গে সম্পদ হিসাবে গণনা করা হতে পারে।

অ্যাপয়েন্টমেন্ট করে, অথবা একটি NYC আর্থিক ক্ষমতায়ন কেন্দ্রে (NYC Financial Empowerment Center) বিনামূল্যে আর্থিক কাউন্সেলিং-এর অ্যাপয়েন্টমেন্টে গিয়ে আপনার সেভিংস অ্যাকাউন্টের বিকল্পগুলি সম্পর্কে জানুন।

6. NYC স্কলারশিপ অ্যাকাউন্টের অর্থ কিসের জন্য ব্যবহার করা যেতে পারে? এটি কীভাবে ব্যবহার করা যেতে পারে সে সম্পর্কে কোনও বিধিনিষেধ আছে কি? যদি আমার সন্তান কলেজে না যায় তাহলে কী হবে?

NYC স্কলারশিপ অ্যাকাউন্ট (NYC Scholarship Account)-এর অর্থ NY 529 Direct Plan-এ বিনিয়োগ করা হয় এবং উচ্চতর শিক্ষার বিভিন্ন খরচের জন্য ব্যবহার করা যেতে পারে। যদিও 529 অ্যাকাউন্টটিকে একটি কলেজ সেভিংস অ্যাকাউন্ট বলা হয়, তবুও মার্কিন যুক্তরাষ্ট্রে এবং বিদেশের যে কোনও যোগ্য প্রতিষ্ঠানে যোগ্যতাসম্পন্ন উচ্চতর-শিক্ষার খরচগুলি পরিশোধ করার জন্য এই অ্যাকাউন্টটি ব্যবহার করা যেতে পারে। পরম্পরাগত চার-বছরের কলেজ এবং বিশ্ববিদ্যালয় ছাড়াও, অন্যান্য ধরনের যোগ্য প্রতিষ্ঠানের মধ্যে রয়েছে কমিউনিটি কলেজ, পেশাদার ও বৃত্তিমূলক স্কুল, যোগ্য শিক্ষানবিশ প্রোগ্রাম এবং অনলাইন ডিগ্রি প্রোগ্রাম। স্কলারশিপের ফান্ড টিউশন, ফি, সরঞ্জাম, কিছু ঘর ও থাকার খরচ ও পাঠ্য বইয়ের মতো জিনিস যেগুলি সাধারণত অন্য স্কলারশিপের আওতাভুক্ত নয় সেসবের জন্য ব্যবহার করা যাবে। যোগ্যতা অর্জনকারী উচ্চ শিক্ষার খরচগুলির একটি সম্পূর্ণ তালিকার জন্য nysaves.org দেখুন।

কর্মসূচীটিতে থাকা একজন শিক্ষার্থী কিন্ডারগার্টেন শেষ করার 20 বছরের মধ্যে যদি তার NYC স্কলারশিপ অ্যাকাউন্টের তহবিল দাবি না করে, তাহলে সেই তহবিলগুলি NYC Kids RISE-এ ফেরৎ যাবে যাতে ভবিষ্যতে সেভ ফর কলেজ প্রোগ্রামের শিক্ষার্থীদের সহায়তা করা যায়।

NYC স্কলারশিপ অ্যাকাউন্টের অর্থ কিন্ডারগার্টেন থেকে 12 শ্রেণী পর্যন্ত কোনও খরচের জন্য ব্যবহার করা যাবে না, যার মধ্যে ফেডারাল আইনের অধীনে যোগ্যতা অর্জনকারী খরচগুলিও অন্তর্ভুক্ত।

অনুগ্রহ করে মনে রাখবেন যে NYC Kids RISE বিতরণের সময় প্রতিবন্ধী শিক্ষার্থীদের জন্য, একটি NYC স্কলারশিপ অ্যাকাউন্ট-এর তহবিলকে একটি NY ABLE অ্যাকাউন্টে স্থানান্তর করতে সক্ষম হওয়ার উপায়গুলি অন্বেষণ করছে।

7. যদি আমি অপ্ট আউট না করি তাহলে NYC Kids RISE আমার সন্তানকে সেভ ফর কলেজ প্রোগ্রাম-এ নথিভুক্ত করার জন্য আমার সন্তান ও আমার সম্পর্কে কী কী তথ্য পায়?

NYC Kids RISE প্রতিটি অংশগ্রহণকারী শিক্ষার্থীর জন্য NYC শিক্ষা বিভাগ (NYC Department of Education) থেকে নিম্নলিখিত তথ্যগুলি পেয়ে থাকে:

- শিক্ষার্থী ও পিতামাতার সনাক্তকরণ নম্বর যা প্রোগ্রামটির জন্য অনন্য;
- শিক্ষার্থীর সম্পূর্ণ নাম;
- শিক্ষার্থীর জন্ম তারিখ;
- শিক্ষার্থীর বাড়ির ঠিকানা;
- শিক্ষার্থীর বাড়ির ঠিকানার বদল হয় কিনা;
- শিক্ষার্থীর বাড়ির ফোন নম্বর;
- শিক্ষার্থীর স্কুলের নাম;
- শিক্ষার্থীর বর্তমান গ্রেড লেভেল;
- শিক্ষার্থীর বাড়িতে যে ভাষায়(গুলিতে) কথা বলা হয়;
- NYC সরকারী স্কুল ব্যবস্থার ভিতরে ও বাইরে উভয়েই, যদি কোনও অন্য স্কুলে স্থানান্তর করা হয় সেই তথ্য।

প্রতিটি অংশগ্রহণকারী শিক্ষার্থী পিছু দুজন পর্যন্ত পিতামাতা বা অভিভাবকের জন্য, NYC Kids RISE নিম্নলিখিত তথ্যও পায়:

- পিতামাতা বা অভিভাবকের পুরো নাম;
- পিতামাতা বা অভিভাবকের ইমেল ঠিকানা;
- পিতামাতা বা অভিভাবকের সেল ও/বা অন্যান্য ফোন নম্বর।

আপনি যখন আপনার সন্তানকে স্কুলে নথিভুক্ত করেন তখন আপনি "নীল কার্ড"-এ যা জমা দেন এটি তার অনুরূপ তথ্য। এই ডেটা NYC Kids RISE-কে প্রতিটি অংশগ্রহণকারী সন্তানের জন্য একটি NYC স্কলারশিপ অ্যাকাউন্ট (NYC Scholarship Account) সেট আপ করার এবং প্রত্যেকের জন্য প্রাথমিকভাবে \$100 বরাদ্দ করার অনুমতি দেয়। NYC Kids RISE সমস্ত পারিবারিক তথ্যের জন্য কঠোর একান্ততা এবং গোপনীয়তার নির্দেশিকা অনুসরণ করে।

8. আমি যদি অংশগ্রহণ করতে না চাই তাহলে কী হবে?

আপনি আপনার সন্তানকে সেভ ফর কলেজ প্রোগ্রাম-এ নথিভুক্ত করতে চান না তা আপনার স্কুলকে জানানোর জন্য, আপনাকে অবশ্যই একটি স্বাক্ষরিত অপ্ট-আউট ফর্ম ফেরৎ দিতে হবে বা 30 দিন সময়কালের মধ্যে আপনার

NYC স্কুলস অ্যাকাউন্ট (NYC Schools Account) থেকে অপ্ট-আউট করতে হবে। এই পদক্ষেপগুলির যে কোনও একটি গ্রহণ করার অর্থ হল আপনার সন্তান কোনও NYC স্কলারশিপ অ্যাকাউন্ট (NYC Scholarship Account), প্রাথমিক \$100 বিনিয়োগ বা ভবিষ্যতের তহবিলগুলি পাবে না। অনুগ্রহ করে নির্দিষ্ট বিবরণের জন্য আপনার সন্তানের অপ্ট-আউট ফর্ম বা schools.nyc.gov/learning/student-journey/college-and-career-planning/nyc-kids-rise-save-for-college-program দেখুন।

9. যদি আমি এখন সেভ ফর কলেজ প্রোগ্রাম-এ অংশ নিতে না চাই, তাহলে আমি কি পরবর্তী কোনো তারিখে আমার সন্তানকে নথিভুক্ত করতে পারি?

হ্যাঁ, যে পিতামাতা ও অভিভাবকরা অপ্ট আউট করেছেন কিন্তু পরে তাদের মন পরিবর্তন করেছেন এবং তাদের সন্তানকে অংশগ্রহণ করতে চান, তারা পরবর্তী তারিখে পুনরায় নথিভুক্ত করতে পারবেন। পুনরায় নথিভুক্ত করার জন্য পরিবারগুলির কাছে তাদের সন্তানের পঞ্চম শ্রেণীর বছর শেষ না হওয়া পর্যন্ত সময় আছে। নির্দিষ্ট বিবরণের জন্য schools.nyc.gov/learning/student-journey/college-and-career-planning/nyc-kids-rise-save-for-college-program দেখুন।

10. অপ্ট আউট বিজ্ঞপ্তির সময়সীমার পরে আমি কি সেভ ফর কলেজ প্রোগ্রাম-এ আমার সন্তানের অংশগ্রহণ বাতিল করতে পারি?

হ্যাঁ, প্রাথমিকভাবে নথিভুক্ত হওয়ার পর আপনি আপনার সন্তানের অংশগ্রহণ বাতিল করতে পারেন। নির্দিষ্ট বিবরণ এবং নির্দেশাবলীর জন্য schools.nyc.gov/learning/student-journey/college-and-career-planning/nyc-kids-rise-save-for-college-program দেখুন।

11. অভিভাবকের অবস্থা আমার অংশগ্রহণ করার সক্ষমতাকে কীভাবে প্রভাবিত করে?

এটি করে না! অভিভাবকের অবস্থা নির্বিশেষে সকল যোগ্য শিক্ষার্থী সেভ ফর কলেজ প্রোগ্রাম-এ অংশগ্রহণ করতে পারে।

তাদের সন্তানকে প্রোগ্রামটিতে নথিভুক্ত করা এবং একটি NYC স্কলারশিপ অ্যাকাউন্ট (NYC Scholarship Account) পাওয়ার জন্য, পরিবারগুলিকে কোনও সামাজিক সুরক্ষা নম্বর (Social Security Number, SSN) বা ব্যক্তিগত করদাতা সনাক্তকরণ নম্বর (Individual Taxpayer Identification Number, ITIN) প্রদান করতে হবে না।

তবে, NYC স্কলারশিপ অ্যাকাউন্ট-এর পাশাপাশি সঞ্চয় করার উদ্দেশ্যে আপনার সন্তানের সুবিধার জন্য আপনার মালিকানাধীন একটি কলেজ এবং কেরিয়ার সেভিংস অ্যাকাউন্ট খুলবেন কিনা তা বিবেচনা করার সময়, অনুগ্রহ করে খেয়াল করুন যে তা খুলতে সেভিংস অ্যাকাউন্ট বিকল্পগুলির জন্য একটি SSN বা ITIN প্রয়োজন হবে। এছাড়াও, আপনি যদি আপনার সঞ্চয়ের বিকল্প হিসাবে একটি NY 529 Direct Plan বা NY ABLE অ্যাকাউন্ট খুলতে এবং সংযুক্ত করতে চান, তাহলে আপনাকে অবশ্যই মার্কিন যুক্তরাষ্ট্রের একটি যাচাইকৃত ঠিকানা সহ অভ্যন্তরীণ রাজস্ব পরিষেবা (Internal Revenue Service, IRS)-এর সংজ্ঞা অনুযায়ী মার্কিন নাগরিক বা স্থায়ী বাসিন্দা হতে হবে। যদি আপনার কাছে এই তথ্য না থাকে, তাহলে মনে রাখবেন যে একজন পরিবারের সদস্য বা বিশ্বস্ত বন্ধু আপনার সন্তানের জন্য একটি NY 529 Direct Plan অ্যাকাউন্ট খুলতে পারেন।

আপনার সন্তানের পক্ষ থেকে NYC Kids RISE দ্বারা তৈরি ও পরিচালনা করা বিনামূল্যের NYC স্কলারশিপ অ্যাকাউন্টটি আপনার সন্তান পেতে পারে, সেই জন্য আপনাকে আপনার নিজের অ্যাকাউন্ট খুলতে হবে না।

12. একটি NYC স্কলারশিপ অ্যাকাউন্ট সরকারি সুবিধাগুলির জন্য যোগ্যতাকে কীভাবে প্রভাবিত করে?

যেহেতু NYC স্কলারশিপ অ্যাকাউন্টসমূহ (NYC Scholarship Account) NYC Kids RISE-এর মালিকানাভুক্ত ও তাদের ব্যবস্থাপনায় রয়েছে, তাই একটি স্কলারশিপ অ্যাকাউন্ট থাকা শিক্ষার্থী বা তার পরিবারের সরকারী সুবিধা প্রাপ্তির আবেদনকে এটি প্রভাবিত করে না। যদি একটি পরিবার তাদের নিজস্ব কলেজে এবং কেরিয়ার সেভিংস অ্যাকাউন্টে অর্থ সঞ্চয় করে, তাহলে সেই সম্পদ নির্দিষ্ট কিছু সুবিধাকে প্রভাবিত করতে পারে। আপনার নিজের কলেজ এবং কেরিয়ার সেভিংস অ্যাকাউন্টে অর্থ রাখা কীভাবে আপনার সুবিধাগুলিকে প্রভাবিত করতে পারে সে সম্পর্কে আরও তথ্যের জন্য, nykidsrise.org/download-resources/#additional-materials এ যান এবং আরও তথ্যের জন্য "সেভ ফর কলেজ প্রোগ্রাম এবং সরকারী সুবিধা" সংক্রান্ত হ্যান্ডআউট ডাউনলোড করুন।

13. একটি NYC স্কলারশিপ অ্যাকাউন্ট আর্থিক মদতের জন্য যোগ্যতাকে কীভাবে প্রভাবিত করে?

যেহেতু NYC স্কলারশিপ অ্যাকাউন্টগুলি (NYC Scholarship Account) NYC Kids RISE-এর মালিকানাধীন এবং পরিচালনাধীন, সেহেতু একটি স্কলারশিপ অ্যাকাউন্ট থাকলে, তা অর্থটি অ্যাকাউন্টে থাকাকালীন একজন শিক্ষার্থীর আর্থিক সহায়তা পাওয়ার যোগ্যতাকে প্রভাবিত করে না। আপনার সন্তান কলেজ ও কর্মজীবনের প্রশিক্ষণের আরও কাছে এসে যাওয়ার সাথে সাথে, আপনার সন্তানের শিক্ষার জন্য স্কলারশিপ অ্যাকাউন্টের অর্থ ব্যবহার করলে, অর্থটি খরচ হয়ে যাওয়ার পর তা কীভাবে আর্থিক সহায়তার জন্য আপনার সন্তানের যোগ্যতাকে প্রভাবিত করতে পারে সেই সম্পর্কে NYC Kids RISE আরও তথ্য প্রদান করবে। প্রভাব থাকতে পারে বা নাও হতে পারে।

যদি কোনও পরিবার তাদের নিজস্ব কলেজ ও কেরিয়ার সেভিংস অ্যাকাউন্টে অর্থ সঞ্চয় করে, তাহলে এই সঞ্চয়গুলি শিক্ষার্থীর আর্থিক সহায়তা প্যাকেজের উপরে প্রভাব ফেলতে পারে। আপনার নিজের কলেজ ও কেরিয়ার সেভিংস অ্যাকাউন্টে অর্থ রাখা কীভাবে বর্তমান আর্থিক সহায়তার নিয়মের অধীনে আর্থিক সহায়তার জন্য আপনার শিক্ষার্থীর যোগ্যতাকে কীভাবে প্রভাবিত করতে পারে সে সম্পর্কে আরও তথ্যের জন্য, nyckidsrise.org/download-resources/#additional-materials এ যান এবং আরও তথ্যের জন্য "সেভ ফর কলেজ প্রোগ্রাম এবং ভবিষ্যত আর্থিক সহায়তার উপর প্রভাব" হ্যান্ডআউটটি ডাউনলোড করুন। অনুগ্রহ করে খেয়াল করুন যে এই আর্থিক সহায়তার নিয়মগুলি প্রায়শই সময়ের সাথে পরিবর্তিত হয়।

14. এই স্কলারশিপ কি আমার সন্তানকে ভবিষ্যতে অন্যান্য স্কলারশিপ পেতে বাধা দেবে?

একটি NYC স্কলারশিপ অ্যাকাউন্ট (NYC Scholarship Account) থাকা আপনার সন্তানের ভবিষ্যতে অন্য স্কলারশিপ পাওয়ার ক্ষেত্রে বাধা হওয়া উচিত নয়, যদিও এটি সেই অন্যান্য স্কলারশিপের শর্তের উপর নির্ভর করতে পারে। অনুগ্রহ করে সেই সব স্কলারশিপের শর্তাবলী পর্যালোচনা করুন।

NYC Kids RISE সেভ ফর কলেজ প্রোগ্রাম হল একটি স্কলারশিপ ও সঞ্চয় কর্মসূচি যা NYC শিক্ষা বিভাগ (NYC Department of Education) এবং নিউ ইয়র্ক সিটির সাথে অংশীদারিত্বে একটি লাভের উদ্দেশ্যহীন সংস্থা NYC Kids RISE Inc. দ্বারা পরিচালিত হয়। NYC Kids RISE, New York's 529 College Savings Program এর সাথে সম্পর্কযুক্ত নয়, বা এটির অনুমোদিত পরিবেশকও নয় এবং বিনিয়োগের অনুরোধ করে না বা বিনিয়োগের পরামর্শ প্রদান করে না। নিউ ইয়র্ক সিটি এবং NYC শিক্ষা বিভাগ NY 529 প্রোগ্রাম ম্যানেজার এবং কোনো নির্দিষ্ট কলেজ সঞ্চয় বা অন্যান্য বিনিয়োগের মাধ্যম সম্পর্কে কোন সমর্থন বা সুপারিশ প্রদান করে না এবং তা নিয়ন্ত্রণ করে না, এর মালিক নয় বা এর সাথে সঞ্চয়যুক্ত নয়, এর মধ্যে সেগুলিও অন্তর্ভুক্ত যেগুলি সম্পর্কে পরিবারগুলি সেভ ফর কলেজ প্রোগ্রামের মাধ্যমে জানতে পারে।

15. সেভ ফর কলেজ প্রোগ্রাম-টি কেন তৈরি করা হয়েছিল?

একটি সন্তানের শিক্ষাগত ভবিষ্যতের জন্য সঞ্চয় করা কঠিন হতে পারে। অনেক পরিবারের জন্য, তাদের সন্তানদের কলেজে পাঠানো নাগালের বাইরে মনে হতে পারে। সিটি অফ নিউ ইয়র্ক এবং NYC শিক্ষা বিভাগের (NYC Department of Education) সাথে অংশীদারিত্বে, তাদের সন্তানের স্কুলের প্রথম দিনগুলি থেকেই কলেজ এবং কেরিয়ার প্রশিক্ষণের জন্য সঞ্চয় এবং পরিকল্পনা শুরু করতে পরিবারগুলিকে সহায়তা করার জন্য NYC Kids RISE সেভ ফর কলেজ প্রোগ্রাম শুরু করেছিল। গবেষণায় দেখা গেছে যে \$1 এবং \$500 এর মধ্যে একটি কলেজ সেভিংস অ্যাকাউন্ট রয়েছে এমন সন্তানদের কলেজে ভর্তি হওয়ার সম্ভাবনা তিনগুণ বেশি এবং স্নাতক হওয়ার সম্ভাবনা চার গুণ বেশি। গবেষণায় দেখানো হয়েছে যে সন্তানেরা কলেজে পড়াশোনা করে তারা সারাজীবন ধরে উল্লেখযোগ্যভাবে উচ্চতর বেতন পায় এবং বেকার হওয়ার সম্ভাবনা কম থাকে।

আরও জানুন: আপনার সন্তানের স্কুলের সাথে কথা বলুন বা 833-543-7473 নম্বরে, info@nyckidsrise.org এ NYC Kids RISE-এর সাথে যোগাযোগ করুন অথবা nyckidsrise.org দেখুন।

একটি লাভের উদ্দেশ্যহীন সংস্থা, NYC Kids RISE, সেভ ফর কলেজ প্রোগ্রাম পরিচালনা করার জন্য সিটি অফ নিউ ইয়র্ক এবং NYC শিক্ষা বিভাগের সাথে কাজ করছে।

NYC KIDS RISE™

nyckidsrise.org



info@nyckidsrise.org

833-543-7473

@nyckidsrise

